

PREDGOVOR

Ova publikacija namijenjena je svim medicinskim tehničarima koji rade na zbrinjavanju urgentnih pacijenata u RS. U prvom redu to su medicinski tehničari zaposleni u službama hitne medicinske pomoći koji su u svakodnevnom kontaktu sa akutno oboljelim i teško povrijeđenim pacijentima, ali i medicinski tehničari zaposleni u drugim zdravstvenim ustanovama.

Publikacija "Urgentna medicina - vodič za medicinske tehničare" predstavlja praktični priručnik za rad medicinskih tehničara u kome su navedeni osnovni segmenti iz urgentne medicine.

Dobar dio ove publikacije odvojen je za detaljno upoznavanje sa praktičnim vještinama koje se susreću u oblasti urgentne medicine, te ih je stoga potrebno dobro poznavati. Nezaobilazno područje reanimatologije obrađeno je u skladu sa najnovijim smjernicama Evropskog resuscitacionog vijeća (oktobar 2010). Pored dijela koji se odnosi na najčešća urgentna stanja, kao posebno poglavlje izdvojen je prikaz najčešćih patoloških EKG ritmova sa kojima se suočavaju medicinski tehničari. S obzirom na povećanu incidencu najrazličitijih trauma, i ovom poglavlju posvećen je adekvatan prostor u "Vodiču". Dejstvo različitih fizičkih agenasa sredine, kao i mnoštva toksina, te urgentne mjere zbrinjavanja kod ovih stanja, takođe su sastavni dio ove publikacije. Konačno, završno poglavlje odnosi se na najčešće korištene lijekove u oblasti urgentne medicine.

Osnovni ciljevi izdanja koje je pred vama su podizanje kvaliteta pružanja hitne medicinske pomoći i standardizacija mjera i postupaka urgentne medicine širom RS.

Iskreno se nadamo da će sadržina "Vodiča" poslužiti kao praktičan i kvalitetan podsjetnik za svakodnevni rad medicinskih tehničara.